



Векало ПахIала Тимапига яздина шолгIа кехат

Векало ПахIала Тимапига яздинчу шолгIачу кехат чудогIу дешнаш дукхъолахъ ПахIалан къона гIюьнча волчу а, цуьнца цхъаьна динан гIуллакх дIакхъохъуш волчу а Тимапига бина хъехамаш бу. Кехатан коьрта ойла собар хиларе кхайкхар ду. Тимапина хъехам бо, кхидIа а Иийсах лаьчна тоьшалла дар а, хазачу кхоах а, товратах а лаьчна болу тешаме хъехам ларбар а, иштта ша хъехархо а, хаза кхаь кхайкхорхо а хуьлуш, къахъегар а аьлла. Оцу хенахъ Тимапина баланаш а, адамаш духъбалдовлар а го.

Яздархочо Тимапига къаьсттина хъедо «сонтачу а, кхетамбоцучу а къийсарех» къакхар, хIунда аьлча ишттачу къамелаша диканиг ца дойту, мелхо а, цара талхабо шайга ладугIуш болу нах.

Оцу массо а хIуманашкахула яздархочо дагадоуьйту Тимапина шен дахаран а, Iалашонан а масал: шен тешар а, собар а, безам а, доьналла хилар а, баланаш а.

Дешхъалхе

1 ¹Тимапи, хIара кехат яздо хьобга ПахIала. Дала леррина къобалвинчу Иийсан векал ву со Делан лаамца. Со Дала ваийтина Ша леррина къобалвинчу Иийсаца цхъаьна вай долчу хенахъ лур ду аьлла долу бакъдолу дахар дIакхайкхо. ²Ас яздо хьобга, сайн хьоме кIант волчу Тимапига. Вайн Да волчу Делера а, вайн Веза Эла волчу, Дала леррина къобалвинчу Иийсагара а долу дика а, къинхетам а, синпаргIато а хуьлда хьуна.

Баркалалаш а, иракарахIиттор а

³Дийнахъ а, буса а сайн доIанашкахъ хьо дукхазза а дагавогIуш, сан дайша ма-барра, цIеначу дагца айса лоруш волчу Далла хастам бо ас. ⁴Денана долу хъан бIаьрхиш дагахъдохку суна. Хьо ган лууш кийра богу сан. Хьо а гина, сан хазаетар кхочушхуьлийла. ⁵Хьо цIеначу даггара Иийсах

^{1:2} Векалийн 16:1. ^{1:5} Векалийн 16:1.

тешар дагадогIу суна. Хьалха хъан бабин Лусин а, хъан ненан Эвникин а даг чохъ иштта тешар лаьтгара. Ткъа хIинца хъан даг чохъ а и тешар латтарх шеко яц сан. ⁶Цундела юха а дагадоуьйту ас хьуна, сайн куьйгаш тIедакхарехула, Дала хъайна деллачу похIмин алу кхин а йовха ягийталахъ. ⁷ХIунда аьлча Дала вайна кIиллоллин са хилийта ца делла Шен Са, ткъа вайн синан ницкъ хилийта а, безам зуьйш а, вай кхетаме хилийта а делла.

⁸Цундела эхъ ма хета вайн Везачу Элах лаьчна тоьшалла дан. Цуьнан духъа тутмакх волу со бахъана долуш а эхъ ма хета. Мелхо а, ахъа а Дала хъайна луш болчу ницкъаца хаза кхаь дIакхайкхоран духъа соьца цхъаьна баланаш хьега. ⁹Дала кIелхъардаьхна вай. Цо Шена тIекхайкхина вай, Шен долахъ дерш вайх хилийтархъама. Вай дина гIуллакхаш бахъана долуш ца дина Дала иза, амма Шен Iалашо а, дика а бахъана долуш дина. Хенаш а кхоллале, Ша леррина къобалвинчу Иийсагахула вайна делла дара Цуьнан мах боцу дика. ¹⁰Ткъа и дика вайна-м Дала леррина къобалвина Иийса, вай кIелхъардаьхнар, кху дуьнен чу схъавеача, хIинца бен ца гайтина Дала. Вайна тIехъ долу Южаллин олалла дохийна Иийсас. Ша дIакхайкхийнчу хазачу кхоэула Южалла ца хуьлу бакъдолу дахар стенца хуьлу гайтира Цо. ¹¹И хаза кхаь дIакхайкхо Иийсан векал а, хъехархо а дIахIоттийна со. ¹²Цундела хIара массо а баланаш дIакхъохъуш ву со. Амма суна эхъ ца хета. Суна хаь со Хъанаш тешна. Сох а тешна, тIедогIур долчу оцу денна Ша соьга делларг лардан Иза ницкъ болуш хиларх со тешна ву. ¹³Дала леррина къобалвинчу Иийсагахула вайн долуш долчу тешарца а, безамца а соьгара хъайна хезначу цIеначу хъехамех масал а дай, Iелахъ. ¹⁴Хъайх а тешна, дитина долу диканиг вайн чохъ дехаш долчу Делан Синан гIюьнца ларделахъ.

¹⁵Хьуна хууш ма-хиллара, Асиа-махкахъ берш массо а сох дIабирзина. Царна юкъахъ бу Пигал а, ХIарми-Гена а. ¹⁶Везачу Эло къинхетам бойла Анисапаран цIийнах. Цо дукхазза а догъэцна сан. Со набахтехъ хиларх эхъ ца хийтира цунна. ¹⁷Рим-гIалахъ ша нисвелча, леррина лехча, со халла карийра цунна. ¹⁸Везачу Эло Шегахъ болу къинхетам бойла цунах вайна тIедогIур долчу оцу дийнахъ. Эпас-гIалахъ цо суна мел дина долу дика гIуллакхаш хьуна-м къаьсттина дика хаьа.

Дала леррина къобалвинчу Иийсан тешаме тIемало

2 ¹Ткъа хьо, сан кIант, Дала леррина къобалвинчу Иийсаца вай хиларна, вайна делла долчу диканца доьналла долуш хилалахъ. ²Дуккха а тешаш а болуш, хъайна соьгара хезна болу хъехамаш дIалолахъ тешамечу нахе, кхечарна хьеха хьуьнар долчаьрга.

³Дакъалацахъа ас хьобгучу баланашкахъ, Дала леррина къобалвинчу Иийсан дикачу тIемалочо санна. ⁴Цхъа а дика тIемало шен цIерачу гIуллакхашна тIера ца хуьлу, эскаре кхайкхинчу хъаькамна муьтIахъ хила лууш.

^{1:11} 1 Тимапига 2:7.

⁵Ткъа кыйсадаларшкахь дакьалоцучунна толаман таж кхочур дац, нагахь санна иза, бакьонаш лар а еш, кьовса ца веллехь. ⁶Къахьегна волчу ахархочунна уггар хьалха дАкхачо деза ша бинчу белхан кхачанан дакъа. ⁷Ойла елахь аса дуйцуш долчун. И массо а хIума хаа кхетам лур бу хьуна Везачу Эло.

⁸Беллачарна юкьара денвина волу, Дауд-паччахьан тIаьхьенах ваьлла волу Дала леррина къобалвина Ийса даим дагахь латтавелахь. Ас кхайкхош болчу хазачу кхоан чулацам иштта бу. ⁹Хаза кхаь кхайкхорхьама тIеэцна ас хIара бала. Ур-аттала, зуламхочунна санна, буржалш а тоьхна суна. Амма Делан дашна тохалур дац буржалш. ¹⁰Цундела Дала къастийначарна хиндолчу диканан духьа ловш бу аса хIара массо а баланаш. Лаьа-кх Дала леррина къобалвинчу Ийсагахула луш долу кIелхьардовлар а, даим а хиндолу сийлалла а царна а кхачийта. ¹¹Ийса аьлла ду:

«Нагахь санна вайн Ийсаца далар хиллехь,
Цуьнца цхьаьна дахар а хир ду вайн.

¹² Нагахь санна вай баланаш ловш делахь,
Цуьнца цхьаьна паччахьалла деш а хир ду вай.
Нагахь санна вай Цунах дIакъастахь,
тIаккха Иза а вайх дIакъаьстар ву.

¹³ Нагахь санна вай тешаме ца хилахь а,
Иза-м хIетте а тешаме хир ву,
хIунда аьлча Ша-Шех дIакъаьстийла дац Цуьнан».

Хьакъ долу гIуллакхдархо

¹⁴И хIуманаш нахана дагадаийта. Далла хьалха дIахьеде цаьрга, дешнаш тIехула кыйсамаш ма бе алий. ЛадобгIурш галбахар бен, иза цхьанна а пайдenna дац. ¹⁵Делан къобалдар хьайна хилийтархьама, хьайн ницкъ кхочург дерриг а делахь. Цхьанна а агIор эхь хетийла доцу дика белхало санна хилалахь, билггал бакъдолчух лаьцна долу дош ма-дарра нийса а хьобхуш. ¹⁶Иеса а, сонта а долчу хабаршна генна валалахь, хIунда аьлча цара адамаш Далла уллора гена доху. ¹⁷Ткъа иштта хьехамаш, вочу цамгаран ун санна, сихха дIасабаьржа. И Иеса а, сонта а хабарш хьобху-чарна юкьахь бу ХIуьманай а, Пилти а. ¹⁸Уьш билггал бакъдолчунна тIе-ра дIабевлла. Цара хьобху, белла болу нах денло де чекхдаьлла бохуш. Иштта долчу хьехаршца цара цхьаболчу нехан тешар галдоккху. ¹⁹Делахь а Дала дIахIоттийна болу онда бух чIогIа лаьтташ бу. Цунна тIе дIаяздина хIара дешнаш ду: «Везачу Элана бевза Шен долахь берш». Кхин а боху: «ХIора а, ша Везачу Элан ву бохург, зуламах кьахка веза».

²⁰Муьлххачу а доккхачу ца чохь дашо а, дато а пхьегIаш хилла а ца Iаш, дечигах а, кхийра поппарх а йина йолу пхьегIаш а хуьлу. Царах цхьаерш

дезачу гIуллакхна лерина хуьлу, вуьш ларамазчу гIуллакхна лелош хуьлу. ²¹Иштта массо а вон долчух цIанвелларг а хир ву лакхарчу гIуллакхна хьаржина, язийна йолу и пхьегIа санна. Иштта стаг а ма хуьлу шен Ола-хочунна тешаме а, пайден а, массо а дикачу гIуллакхна кийча а. ²²Кьо-начийн сийсазчу лаамех вадалахь. Ценачу даггара Везачу Эле кхойкху-чаьрца лаха нийсо а, тешар а, безам а, синан паргIато а. ²³Сонтачу а, кхетамбоцучу а кыйсарех кьахка, хIунда аьлча хьуна хьайна а хаьа-кх уьш девне довлий. ²⁴Везачу Элан лай товш вац кыйсалуш. Масаьрца а кIеда-мерза, хьехамаш бан дика хууш, собар долуш хила веза иза. ²⁵Шен мостагIашна а эсала хьехамаш бан беза цо. Дала царна а дохкодовлар а, билггал бакъдерг довзар а дала тарло. ²⁶ТIаккха и мостагIий а, дохко а бевлла, меттабогIур бу. Иблисо шен лааме берзийна болу уьш шашь дIа-лаьцначу цуьнан речIаных паргIатбевр бу.

ТIаьхьарчу деношкахь

3 ¹Хаалахь, тIаьхьарчу деношкахь хала хенаш хир ю. ²Шайн бен ойла ца еш хир ду адамаш. Уьш хир ду сутара, дозаллаш деш, кураллаш еш, вон баганаш лееш, дена а, нанна а муьтIахь доцуш, баркалла доцуш, дин доцуш. ³Вовшех къа ца хеташ, кьинхетаме боцуш, вовшашна мотт бетташ, сацам боцуш, кьизаллех буьзна, дика хIума бIаьрга дан ца дезаш хир бу уьш. ⁴Ямартлонаш лелош, шашь лелочун кIоргга ойла ца еш, даг чу куралла йоьссина, сийсаза лелар Дела везарал алсам дезаш хир бу нах. ⁵Дин лелорехь тIехула суьпа лелар бу уьш, амма динан бакъболу ницкъ дIатоттур бу цара. Ишттачех кьахкалахь. ⁶Къайлаха нехан хIусамашна чуобхурш а хир бу ишттачарна юкьахь. КIеда дог долу зударий кIелбуьтур бу цара цигахь. Къиноьх а буьзна, шайн тайп-тайпанчу сийсазчу ла-амашка шашь лелабойтуш бу и зударий. ⁷Динах лаьцна хьехамаш даим Iамо гIерташ белахь а, билггал долу бакъдерг цкъа а къобал ца дало цаьр-га. ⁸Яннай а, Ямвари а Муса-пайхамарна духьал ма-валлара, уьш а духь-хьалбевлла билггал бакъдолчунна. Церан кхетам телхина бу, ткъа церан тешар зийча, уьш Ийсах баккъалла а тешаш ца хилар гучудолу. ⁹Амма уьш гена бевр бац. Церан а хьекъал цахилар гучудер ду, вукхеран санна.

ТIаьхьара бина болу хьехамаш

¹⁰Ткъа хьо аса бечу хьехамашна а, сан дахаран кепана а резахилира. Сан Iалашонех а, сан тешарх а, сан собарх а, безамах а, доьналлах а масал ийцира ахь. ¹¹Со эккхийна волуш а, ас баланаш хьобгуш а сан леларан тидам бора ахь. Хьуна хьайна хаьа-кх Антиохехь а, Иконехь а, Листар-гIалахь а суна хилларг. Мел ирча баланаш лайра аса цигахь. Делахь а Веза-чу Эло оцу массо а халачу баланех кIелхьарваьккхира со. ¹²Вуьшта а хууш

^{2:12} Маттай 10:33; Лака 12:9. ^{2:19} Лелар 16:5.

^{3:8} Арадаккхар 7:11. ^{3:11} Векалийн 13:14-52; Векалийн 14:1-7; Векалийн 14:8-20.

ма ду, Дала леррина къобалвинчу Ийсана тѣаьхъа а хѣоьттина, суьпа баха лууш болчара массара а баланаш хьѣогург хилар. ¹³Хѣилланчаш а, къиза нах а кхин а вон хир бу. Цара нах лебийр бу, ткъа шаьш а лебойтур бу.

¹⁴Хьох лаьцна-м хѣара эр ду ас: хъайна Јемина долу а, хьѣо тешна волу а и гѣуллакх кхидѣа а дан деза ахъа. И дерриг а хъайна хъаьнгара хьѣна хъаькх хъуна. ¹⁵Хууш ву хьѣо Делан Йозанаш бераллехъ дуйна хъайна девзина хилар а. Дала леррина къобалвинчу Ийсах тешарехула луш долчу кѣлхъарваларна тѣвалаш долу хъѣкѣалалла хъуна дала тарло оцу Йозанаша. ¹⁶Делан Йозанийн муьлхха а дакъа Дала Шен Іаь тоьхна ду. Бакъдерг хъѣха а, харцдерг гучудаккха а, гѣалаташ нисдан а, адамаш нийсачу новкъа даха а пайденна ду уьш. ¹⁷Цу дерригенан Іалашо ю: Делан адам муьлхха а дика гѣуллакх дан кийча хилийтар.

4 ¹Дала леррина къобалвина волу Ийса паччахъалла дан кху дуьнен чу схъавеача, дийна болчарна а, беллачарна а кхел йийр ю Цо. И иштта долу дела, Цунна а, Далла а хъалха, чѣагѣо а еш, ас хѣара весет до хьѣоьга: ²дѣакхайкхадѣ Делан дош. Хъайна бегѣийла долчу а, доцучу а хенахъ и дош дѣакхайкхо кийча хила. Доллчу собарца а, хъѣхамашца а адамиин гѣалаташ нисде, уьш галдевлча, дѣахайта царна, уьш иракараѣиттаде. ³Хѣунда аьлча адаманаша нийсачу хъѣхамашка ладугѣур доцу хан тѣейогѣур ю. Шайн-шайн лаамашка а хьѣобжуш, шортта хъѣхамчаш шайна гонах гулбийр бу цара, шайн лергашна хаза лууш дер-дерг цаьрга дийцийта. ⁴Билгал бакъболчу хъѣхамах дѣа а бирзина, туьйранашкахъа боьрзур бу уьш. ⁵Ткъа хьѣо муьлххачу а хьѣолахъ кхетама а хила, баланаш ловш а хила. Хаза кхъа хъайкхорхоcho санна къа а хъѣга, Далла гѣуллакх а деш, хъайна тѣедиллинарг дерриге а чекх а даккха.

⁶Сайх лаьцна хѣара эр ду ас: сан дахар Далла хъалха сагѣа даккха дуттуш долу чагѣар санна ду — со дѣакхалха веза хан тѣеена. ⁷Дикачун дуйхъа бечу тѣамехъ ас хъуьнарца тѣом а би, и къийсам чекх а баьккхи, сайн тешар а ларди. ⁸Делан лаамехъ со ваьхна дела, хѣинца суна кийча ду толамхочуна догѣу таж. Оцу тѣедогѣун долчу дийнахъ нийса Кхелахо волчу Везачу Эло лур ду суна и таж. Со воцучунна а, Ийса кху дуьнен чу схъаваре безамца сатийсиначарна массарна а лур ду Дала иза.

Пахѣала Тимапига шех лаьцна дуййцу

⁹Тимапи, хѣуьа а дай, суна сихха тѣекхачахъара хьѣо. ¹⁰Хѣара дуьне шена дезарна, сох дѣа а къаьстина, Тассалник-гѣала вахана Деми. Кери-Сака Галата-махка вахана, ткъа Тита Далмати-махка вахана. ¹¹Лака воцург,

^{4:10} Ковлусихошка 4:14; Пхъалмане 1:24; 2 Коринтхошка 8:23; Галатахошка 2:3; Тите 1:4. ^{4:11} Ковлусихошка 4:14; Пхъалмане 1:24; Векалийн 12:12, 25; 13:13; 15:37-39; Ковлусихошка 4:10; Пхъалмане 1:24.

кхин цхъа а вац соьца висина. Лаха а лахий, Марк а схъавалавехъа хъайца. Сан балхана тѣехъ суна пайден хир ву иза. ¹²Тихѣак Эпас-гѣала вахийтина ас. ¹³Трой-гѣалахъ Карпу волчоьхъ ас йитина сан тѣеюхуш йѣолу йѣовха палаш а, сан тептарш а, къаьсттина тѣаьрсигна тѣехъ яздина дерш, схъада-хъа, хьѣо вогѣуш.

¹⁴Дукха зуламаш дина суна цѣстан пхъар волчу Искандара. Цо мел лелиначунна Везачу Эло тагѣар дийр ду цунна. ¹⁵Хьѣо а ларвала веза цунах. Вайн хъѣхамашна чѣогѣа дуйхъалваьлла иза.

¹⁶Суна дуйхъара кхел ечу хенахъ соьгахъа гѣо даккха цхъа а ца веара, массара а дѣатесиара со. Царна дуйхъал ма доккхийла иза Дала! ¹⁷Амма соьца Веза Эла вара. Цо ницкъ белира суна хаза кхъа кхоччуш болчу барамехъ соьгахула дѣакхайкхабайта а, массо а кхечу къаьмнех болчу нахана иза дѣахазийта а. Иштта кѣлхъарваьккхинера со лѣман багара. ¹⁸Везачу Эло муьлххачу а зуламах со кѣлхъара а воккхур ву, Шен стигаларчу пачхъалкхе со дѣа а вуьгур ву. Хастам хуьлда Цунна массо а заманчоьхъ. Амин.

Тѣаьхъара а дела маршаллаш

¹⁹Маршаллаш ло соьгара Пхъаьрскѣилате а, Іакхиле а, Анисапаран цѣерачаьрга а. ²⁰Арсати Коринт-гѣалахъ висира. Ткъа Трахѣим Милет-гѣалахъ витира ас, иза цомгуш волу дела. ²¹Хѣуьа дай а, Іа тѣедале, схъакхача гѣортахъара хьѣо.

Маршаллаш доуййту хьѣоьга Јевала а, Пудас а, иштта Ланас а, Калабдата а, массо а вежарша а.

²²Веза Эла хуьлийла хъан синца.

Делан дика хуьлийла шуьца массаьрца а.

^{4:12} Векалийн 20:4; Эпасхошка 6:21, 22; Ковлусихошка 4:7, 8. ^{4:13} Векалийн 20:6. ^{4:14} 1 Тимапига 1:20; Забур 61:13; Римхошка 2:6. ^{4:19} Векалийн 18:2; 2 Тимапига 1:16, 17. ^{4:20} Векалийн 19:22; Римхошка 16:23; Векалийн 20:4; 21:29.